

DOI 10.7251/VETJSR2201057S

UDK 637.354`63:579.67

## Originalni naučni rad

# MIKROBIOLOŠKA ISPRAVNOST I FIZIKALNO-KEMIJSKI PARAMETRI KVALITETA KOZJIH I OVČIJIH SIREVA IZ HERCEGOVINE

Ana SESAR<sup>1</sup>, Maja DRMAĆ<sup>1</sup>, Viktor LANDEKA<sup>2</sup>, Bojan GOLIĆ<sup>3\*</sup>

<sup>1</sup> Federalni agromediteranski zavod, Mostar, Bosna i Hercegovina

<sup>2</sup> Federalni zavod za poljoprivredu, Sarajevo, Bosna i Hercegovina

<sup>3</sup> Javna ustanova Veterinarski Institut Republike Srpske „Dr Vaso Butozan“ Banja Luka, Bosna i Hercegovina

\*Korespondentni autor: Bojan Golić, bojan.golic@virs-vb.com

## Sažetak

Sir je polutvrđi ili tvrdi proizvod mlijeka, dobiven zgrušavanjem mlijeka i odvajanjem gruša od sirutke. Ispitivanje je obuhvatilo 46 uzoraka sira proizvedenih na poljoprivrednim gospodarstvima i malim mini-siranama na području Hercegovine, s naglaskom da najveći dio uzoraka potiče iz južne submediteranske i mediteranske regije Hercegovine. Cilj istraživanja je bio utvrditi mikrobiološku ispravnost i fizikalno-kemijske parametre kvalitete sireva koji se stavljuju na tržište kao kozji svježi sir, kozji polutvrđi sir te ovčiji i kozji sir iz mjeha. Od ukupnog broja analiziranih uzoraka 49,22% nije zadovoljilo zahtjeve fizikalno-kemijskih i mikrobioloških parametara ispitivanja, pri čemu 36,22% nije zadovoljilo fizikalno-kemijsku kvalitetu, a 13% mikrobiološku zbog povećanog broja  $\beta$  glukuronidaza pozitivne *Escherichia coli*. Prisustvo  $\beta$  glukuronidaza pozitivne *Escherichia coli* u uzorcima sira ukazuje na nedovoljnu higijenu prilikom samog tehnološkog procesa proizvodnje sira. Patogeni mikroorganizmi *Salmonella spp* i *Listeria monocytogenes* nisu izolirani, a broj koagulaza pozitivnih stafilocoka i *Staphylococcus aureus* bio je u dozvoljenim granicama. Ovo istraživanje ukazuje da je neophodno ujednačiti fizikalno-kemijske parametre u proizvodnji sira, kao i korištenje isključivo autohtone sirovine u proizvodnji kod individualnih malih proizvođača i u mini siranama koje se bave ovom proizvodnjom, kao što je to slučaj s industrijskom proizvodnjom ovih proizvoda u tom području.

**Ključne riječi:** sir, mikrobiološka ispravnost, fizikalno-kemijska parametri, Hercegovina.

## UVOD

Mlijeko je osnovni sastojak za proizvodnju sira, te kao esencijalni izvor hrane za mладунчад značajno se razlikuje ovisno o vrsti životinje od koje se dobija. U ljudskoj prehrani svježe mlijeko i prerađevine predstavljaju važan izvor bjelančevina, masti i energije. Sir je hrana koja pripada skupini gotovih proizvoda i konzumira se najčešće svjež. To je visoko vrijedna namirnica koja se kao delikatesa provlači kroz većinu svjetskih kuhinja. To je polutvrdi ili tvrdi proizvod mlijeka, dobiven zgrušavanjem mlijeka i odvajanjem gruša od sirutke. Što se više sirutke odvoji, dobije se tvrdi sir. Proces proizvodnje sira jako je kompleksan, za koji je značajan odabir mlijeka i hlađenje na 4°C da bi završila baktericidna faza. Nakon hlađenja, mlijeko je potrebno toplinski obraditi i dva su moguća načina za to, termizacija i pasterizacija. Sir se može proizvoditi od nepasteriziranog i pasteriziranog mlijeka, što ovisi o tehnicu i tradiciji spravljanja i vrlo je slična na prostorima jugoistočne Europe, slijedeći autohtone tradicije izrade, uz specifičnosti proizvodnje za pojedine regije i države ovog dijela Europe.

Sir iz mjeha je autohton tvrdi proizvod od mlijeka iz južnog dijela Bosne i Hercegovine (BiH) odnosno submediteranskog dijela regije Hercegovine. Njegova je glavna karakteristika anaerobno zrenje unutar vreće izradene od jagnjeće kože (mještine) po kojoj je sir i dobio ime. Tradicionalnim tehnikama sirarstva proizvodi se od nepasteriziranog ovčjeg mlijeka bez dodatka starter-kultura, a odlikuje se dugim zrenjem što mu u konačnici daje specifična senzorna svojstva. Lipoliza je dominantna te je biokemijskim procesima tokom zrenja sira u vreći životinjske kože odgovorna za okus i miris, a proteoliza je također uključena u stvaranje željene arome sira. U usporedbi sa srevima dozrelim u prirodnoj kori, srevi dozrijevani u vreći imaju jedinstveno jak i pikantni okus. Ova vrsta sira zastupljena je u Hrvatskoj, BiH, Crnoj Gori i Turskoj, uz određene razlike u tehnološkom procesu proizvodnje (Tudor Kalit i sur., 2010; Kiš i sur., 2018; Rako i sur., 2019). Optimalno vrijeme zrenja za sir iz mjeha je 45 dana, no zbog povećane potražnje za ovim sirom na domaćem tržištu, vrijeme sazrijevanja je vrlo često 30 dana (Tudor Kalit i sur., 2014; Rako i sur., 2019).

Meki srevi proizvedeni su od svježeg mlijeka, a fermentacija se zasniva na autohtonoj mikrobioti, koju čine bakterije mliječne kiseline (EC, 2003). Međutim, zbog problema higijene, većina srevova se danas proizvodi termizacijom (65-68°C/5-15 sekundi) ili pasterizacijom (72°C/15 sekundi) mlijeka, uz korištenje odabranih starter kultura (Meyrand i Vernozy-Rozand, 1999).

Lodi i sur. (1994) su, na osnovu bakterija mliječne kiseline, svrstali 32 vrste svježeg sira u 3 kategorije: srevi sa visokim brojem bakterija mliječne kiseline, srevi sa odsustvom bakterija mliječne kiseline i malim brojem prirodne mikrobiote i srevi sa odsustvom bakterija mliječne kiseline, ali sa visokim

sadržajem prirodne mikrobiote. Autori su zaključili da se u prvoj kategoriji broj patogenih bakterija naglo smanjuje tokom obrade, dok u drugoj i trećoj kategoriji patogene bakterije preživljavaju nekoliko tjedana.

S aspekta higijene hrane sir može da izazove oboljenja prenosiva hranom. Mlijeko i mlijecni proizvodi su namirnice koje su često dovođene u svezu sa trovanjem hranom enterotoksinima stafilokokosa (Delbes i sur., 2006). Međutim, enterotoksi stafilokokosa nisu uvijek utvrđeni u finalnom proizvodu, iako populacija *Staphylococcus aureus* dostiže vrijednost preko  $10^5$  cfu/g sira, jer svi sojevi stafilokokosa nisu enterotoksični (Delbes i sur., 2006; Aoyama i sur., 2008). U svjetskoj literaturi sve više se poklanja pažnja kontaminaciji sira salmonelama i *Listeria monocytogenes*. Prevalencija ovih patogenih bakterija u siru varira od same studije, tako da za *Listeria monocytogenes* prevalenca iznosi od 2,1 do 4,8% kod sireva u Italiji nakon pakiranja (Manfreda i sur., 2005). Ova bakterija dospjeva u sir u procesu proizvodnje, tako da neki podaci govore da se prisustvo bakterije može inhibirati dodavanjem mlijecno kiselinskih bakterija (Ennahar i sur., 1998). Takođe, smatra se da se listerije češće mogu naći kod mekih mladih sireva, za razliku od tvrdih sireva gdje su rijede. Patogene enterobakterije, posebno rod bakterija *Salmonella* i *Escherichia coli* (O157:H7) detektirane su u svježim srevima u mnogim studijama (Colak i sur., 2007).

Najvažnije komponente u suhoj tvari mlijeka su mlijecna mast, proteini, laktosa, mineralne tvari i vitamini. Određivanje vode ima veliki značaj obzirom da ona utječe na fizikalna, kemijska i nutritivna svojstva proizvoda. Ostatak predstavlja udio suhe tvari. Jedan od osnovnih i veoma značajnih postupaka u analitici hrane i prehrambenih proizvoda predstavlja određivanje vode. U odnosu na udio vode u bezmasnoj materiji sira, konzistenciju i građu tjesteta, srevi se proizvode i stavljaju na tržište BiH pod nazivima ekstra tvrdi sir, tvrdi sir, polutvrdi sir, meki sir, svježi sir (Propis, 2011). Mlijecna mast je pretežno građena od triacilglicerola, a kvantitativno nakon njih slijede steroli, najviše kolesterol i fosfolipidi (Chow, 2008).

Cilj istraživanja je bio utvrditi mikrobiološku ispravnost i fizikalno-kemijske parametre kvalitete srevova sa Hercegovačke regije, koji se stavljaju na tržište kao kozji svježi sir, kozji polutvrdi sir te ovčji i kozji sir iz mjeha.

## MATERIJALI I METODE

Uzorci sira proizvedeni su na poljoprivrednim gospodarstvima i malim minisiranama na području Hercegovine (BiH), sa naglaskom da je najveći dio uzorka potekao iz južne submediteranske i mediteranske regije Hercegovine. Karakteristike ovog područja su najčešće ekstenzivni način držanja životinja (ovaca i koza) te trave i mediteransko bilje sa kraških polja, koje životinje jedu pri-

proizvodnji mlijeka. To autohtono mlijeko služi kao sirovina u proizvodnji sreva ovog područja. Istraživanjem je analizirano 46 uzoraka kozjeg svježeg sira, kozjeg polutvrdog sira te ovčijeg i kozjeg sira iz mjeha, uzorkovanih tokom tri godine (2019-2021), a ispitivanje je vršeno u akreditiranom laboratoriju Federalni agromediteranski zavod Mostar, BiH.

Mikrobiološko ispitivanje uzoraka sira provedeno je prema važećim propisima u BiH, Pravilniku o mikrobiološkim kriterijumima za hranu (Propis, 2013), te Smjernicama za mikrobiološke kriterijume za hranu (ASH BiH, 2013), standardnim metodama i to:

- BAS EN ISO 6579-1 za detekciju *Salmonella spp.* (ISBIH, 2018a),
- BAS EN ISO 11290-1 za detekciju *Listeria monocytogenes* (ISBIH, 2018b),
- BAS EN ISO 6888-1 za brojanje koagulaza pozitivnih stafilocoka i *Staphylococcus aureus* (ISBIH, 2005),
- BAS EN ISO 16649-2 za brojanje β glukuronidaza pozitivne *Escherichia coli* (ISBIH, 2008).

Fizikalno-kemijska ispitivanja uzoraka sira vršena su standardnim metodama i to:

- BAS EN ISO 5534 (ISBIH, 2006) za utvrđivanje udjela vode/suhe tvari,
- AOAC (1996) za utvrđivanje udjela mliječne masti u siru.

Udio mliječne masti u suhoj tvari i sadržaj vode u nemasnoj tvari sira dobiven je računski (Slanovec, 1982).

## REZULTATI I DISKUSIJA

Do sada su dobro poznati i opisani slučajevi kontaminacije sreva sa mnogim patogenim bakterijama koje mogu da budu uzrok infekcija za čovjeka: *Listeria monocytogenes*, *Staphylococcus aureus*, *Salmonella spp.* i *Escherichia coli* (Kousta i sur., 2010). Kontaminacija sira najčešće nastaje u fazi procesa pripreme, transporta i čuvanja, tako da je važan aktivan nadzor u procesu proizvodnje i u prometu, radi sigurnosti ove namirnice za konzumaciju. U našem istraživanju, mikrobiološkim ispitivanjem uzoraka sira utvrđen je nezadovoljavajući broj β glukuronidaza pozitivne *Escherichia coli* u 13% uzoraka, i to isključivo u uzorcima svježeg i polutvrdog kozjeg sira ( $>10^3$ CFU/g do  $>10^9$ CFU/g), u 6,50% uzoraka sira utvrđen je prihvatljiv broj ( $>10^2$ CFU/g do  $<10^3$ CFU/g), dok je 80,50% uzoraka bilo zadovoljavajuće ( $<10$ CFU/g). Vrijednosti koagulaza pozitivnih stafilocoka i *Staphylococcus aureus* bile su u propisanim granicama. Patogeni mikroorganizmi *Salmonella spp* i *Listeria monocytogenes* nisu izolirani ni u jednom ispitivanom uzorku. Dobiveni rezultati su u korelaciji s istraživanjem koje je proveo niz istraživača širom Europe. Tako u uzorcima autohtonog sira iz mjeha iz regije Hercegovine (BiH) proizvedenog od sirovog ovčijeg te miješanog

ovčijeg i kravlje mlijeka nisu izolirani *Listeria monocytogenes*, *Salmonella spp.*, *Yersinia enterocolitica* i *Staphylococcus aureus*, 40% uzoraka sadržavalo je povećan broj *Escherichia coli*, a u 60% uzoraka utvrđene su enterobakterije (Kiš i sur., 2018). Dobijeni rezultati po pitanju *Salmonella spp.* i *Listeria monocytogenes* u skladu su s rezultatima Golić i sur. (2014). Isti autori su ispitivanjem bijelog ovčijeg sira utvrdili u 36,40% uzoraka povećan broj β glukuronidaza pozitivne *Escherichia coli*, a kod 18,10% uzoraka povećan broj koagulaza pozitivnih stafilokoka. Nalaz kolonija β glukuronidaza pozitivne *Escherichia coli* u našem slučaju pokazatelj je loše higijene procesa proizvodnje. Ispitivanjem Vlašićkog sira porijeklom iz BiH, uzetih iz domaćinstava koja se bave tradicionalnom proizvodnjom ovog sira od sirovog ovčijeg i kravlje mlijeka, uz dodatak soli, utvrđeno je prisustvo koagulaza pozitivnih stafilokoka u 76% uzoraka (Golić i sur., 2015). Vlašićki sir podržava rast stafilokoka jer se proizvodi od sirovog mlijeka, kojima pogoduje temperatura proizvodnje ovog sira (22-30°C), dodatak soli i period zrenja od najmanje 60 dana, pa sve do 180 dana. Ovi rezultati se razlikuju od naših iz razloga što uslovi zrenja Vlašićkog sira, zbog mehanizma sirišne koagulacije, kada ne dolazi do značajnog pada pH vrijednosti i razvoja bakterija mlječeće kiseline, favorizuju rast stafilokoka, kojima dodatno, indirektno pogoduje prisustvo soli, koja onemogućava rast konkurenckih bakterija tj. bakterija mlječeće kiseline. Ispitivanjem Sjeničkog autohtonog sira u salamuri u jugozapadnoj Srbiji proizvedenog od sirovog ovčijeg mlijeka, tokom praćenog perioda proizvodnje sira, broj koagulaza pozitivnih stafilokoka nije dostigao vrijednost od  $10^5$  cfu/g (Bulajić i sur., 2015), što se podudara s rezultatima naših istraživanja. Takođe, Zarate i sur. (1997) ispitivali su *Staphylococcus aureus* u kozjem siru sa Tenerifa (Španija), proizvedenog od sirovog mlijeka, bez dodavanja startera, koji se konzumira svjež (u roku 2-3 dana) ili nakon zrenja od 60 dana. Primjećeno je povećanje *Staphylococcus aureus* za 2-3 log CFU/g u siru starom dva dana, ali je nakon toga zabilježen brz pad.

Voda je jedan od glavnih sastojaka koji utječe na kvalitetu namirnica tokom skladištenja, transporta, prerade i sl. Posljedično tome, određivanje sadržaja vode i suhe tvari je jedna od najvažnijih metoda kod analize hrane. U Tablici 1 prikazani su rezultati fizikalno-kemijskih parametara sira.

**Tablica 1** Rezultati fizikalno-kemijskih parametara sira

Vrsta sira	Broj uzoraka	Prosječna vrijednost i standardna devijacija				
		ST %	SV %	SV % NT	SM %	SM % STV
Polutvrđi kozji sir	22	54,20±5,97	45,80±5,97	57,85±7,22	38,24±10,79	20,70±6,14
Svježi sir kozji	11	44,07±4,47	55,93±4,47	70,45±5,00	46,56±7,15	20,48±3,56
Sir iz mjeha ovčji	7	60,21±3,75	39,79±3,75	56,46±3,58	48,90±6,28	29,53±5,00
Sir iz mjeha kozji	6	63,74±4,35	36,26±4,35	51,80±4,69	47,25±3,02	30,14±3,08

ST % - % suhe tvari; SV % - % vode; SV % NT - % voda u nemasnoj tvari; SM % - % mast; SM % STV - % masti u suhoj tvari;

Prosječna količina vode sa standardnom devijacijom u analiziranim uzorcima iznosila je za polutvrđi kozji sir  $45,80 \pm 5,97\%$ , za svježi sir kozji  $55,93 \pm 4,47\%$ , za ovčji sir iz mjeha  $39,79 \pm 3,75\%$ , te za kozji sir iz mjeha  $36,26 \pm 4,35\%$ . Ako se posmatra po godinama i kategoriji sira, taj omjer prosječne vrijednosti se kreće od 38,88% za polutvrđi sir do 57,18% za svježi kozji sir. Važnu ulogu kod formiranja teksture tijesta i unutarnji izgled konzumno zrelih sreva ima količina prisutne vode. Aktivna voda utiče na smjer biokemijskih zbivanja, na obim kemijsko-fizikalnih promjena tijesta, na postojanost sira pa i na njegov randman. Tip sira treba usmjeravati pravilnim izborom odgovarajuće sirovine, pravilnom pripremom mlijeka kao i odgovarajućim tehnološkim procesom. Samo u tom slučaju može se očekivati, uz odgovarajuću količinu vode u nemasnoj tvari sira, da će se fermentacijski procesi normalno odvijati, naravno uz pretpostavku da su normalni i svi ostali mjerodavni faktori (Slavonec, 1982). Suha tvar koja zaostaje nakon uklanjanja vode zapravo su ukupne krute tvari u nekoj namirnici (Nielsen, 2010). Prosječna količina suhe tvari sa standardnom devijacijom u analiziranim uzorcima iznosila je za polutrajni kozji sir  $54,20 \pm 5,97\%$ , za svježi kozji sir  $44,07 \pm 4,47\%$ , za ovčji sir iz mjeha  $60,21 \pm 3,75\%$ , te za kozji sir iz mjeha  $63,74 \pm 4,35\%$ . Ako se posmatra po godinama i kategoriji sira, taj omjer se kreće od 46,26% za svježi kozji sir do 29,53% za ovčji sir iz mjeha. Mliječna mast je maseni udio (m/m) mliječne masti u mlijeku, pretežno građena od triacylglycerola, kvantitativno nakon njih slijede steroli (najviše kolesterol) i fosfolipidi. Smatra se kako mliječna mast, odnosno udio mliječne masti, utječe na okus samog mlijeka. Prosječna količina mliječne masti sa standardnom devijacijom u ovom istraživanju iznosila je za polutvrđi kozji sir  $38,24 \pm 10,79\%$ , za svježi kozji sir  $46,56 \pm 7,15\%$ , za ovčji sir iz mjeha  $48,90 \pm 6,28\%$ , te za kozji sir iz mjeha  $47,25 \pm 3,02\%$ . Ako se posmatra po godinama i kategoriji sira, taj omjer se kreće od 19,20% za svježi kozji sir do 61,64% za kozji sir iz mjeha. Udio vode u nemasnoj tvari sira jedan je od parametara prema kojem se srevi mogu podijeliti na različite vrste. Udio vode utječe na sazrijevanje sira tj. kod veće količine vode dolazi do

bržih kemijskih promjena i bržeg kvarenja, između ostalog uslijed pojačane aktivnosti bakterija i enzima u vlažnom okruženju (Nielsen, 2010). Prosječan udio vode u nemasnoj tvari sira sa standardnom devijacijom u ovom istraživanju iznosio je za polutvrdi kozji sir  $57,85 \pm 7,22\%$ , za svježi kozji sir  $70,45 \pm 5,00\%$ , za ovčji sir iz mjeha  $56,46 \pm 3,58\%$ , te za kozji sir iz mjeha  $51,80 \pm 4,69\%$ . Ako se posmatra po godinama i kategoriji sira, taj omjer se kreće od 52,70% za kozji sir iz mjeha do 73,15% za svježi kozji sir. S obzirom na udio mlijecne masti, odnosno udio mlijecne masti u suhoj tvari sira, sirevi se prema nacionalnoj i međunarodnoj regulativi dijele na ekstra masne, punomasne, masne, polumasne i posne. Prosječna količina mlijecne masti u suhoj tvari sa standardnom devijacijom ovom istraživanju iznosila je za polutvrdi kozji sir  $20,70 \pm 6,14\%$ , za svježi kozji sir  $20,48 \pm 3,56\%$ , za ovčji sir iz mjeha  $29,53 \pm 5,00\%$ , te za kozji sir iz mjeha  $30,14 \pm 3,08\%$ . Ako se posmatra po godinama i kategoriji sira, taj omjer se kreće od 16,78% za polutvrdi sir kozji do 52,00% za kozji sir iz mjeha. Statistički gledano, izraženi preko srednje vrijenosti i standardne devijacije, svi podaci po kategorijama sira su u skladu s Pravilnikom o proizvodima od mlijeka i starter kulturama (Propis, 2011) dok nisu svi specifično pojedinačni podaci usklađeni po parametrima ispitivanja za pojedine kategorije sira. Prosječne srednje vrijednosti bez standardne devijacije za kategorije polutvrdi kozji sir, svježi kozji sir i ovčji sir iz mjeha su u skladu s odredbama pravilnika (Propis, 2011). Kategorija koziji sir iz mjeha na nivou ispitivanja sa prosječnom vrijednosti i standardnom devijacijom (Tablica 1) zadovoljava odredbe pravilnika (Propis, 2011). Od ukupno ispitanih uzoraka, ako uzmememo pojedinačne rezultate, najveći broj nezadovoljavajućih uzoraka u svim kategorijama sireva je bio za parametar sadržaj vode u nemasnoj tvari 34,07%, što ispod ili iznad propisane vrijednosti za pojedinačnu kategoriju sira. Od ispitanih uzoraka, 2,13% uzoraka polutvrdog masnog kozijeg sira imalo je sadržaj mlijecne masti u suhoj tvari 16,78%, što je ispod propisane vrijednosti od minimum 25% (Propis, 2011). Mali proizvođači sira su gotovo svi ispravno deklarirali svoje proizvode, zadovoljivši odredbe pravilnika (Propis, 2011). Razmatrajući kvalitetu analiziranih uzoraka svih kategorija sira, 36,22% uzoraka nisu zadovoljili zahtjeve za parametar sadržaj vode u nemasnoj tvari i sadržaj masti u suhoj tvari. Dobijeni rezultati za fizikalno-kemijska istraživanja su slična istraživanjima drugih autora. Rezultati istraživanja sira kod malih individualnih proizvođača, provedenog na području centralne i zapadne BiH, za tradicionalne ovčje sireve (livanjski i travnički) uporedivi su s našim rezultatima. Prema rezultatima Hrković i sar. (2011), prosječni udio suhe tvari za livanjski sir bio je 62,88%, sadržaj vode iznosio je 37,11%, a udio mlijecne masti iznosio je 31,93%. Rezultat prosječnog udjela za travnički sir za mlijecnu mast iznosio je 27,08%, a prosječni udio vode odnosno suhe tvari u

travničkom siru bio je 54,66% odnosno 45,34%. Rezultati naših ispitivanja su u skladu s ovim rezultatima, ali se dijelom razlikuju u dobijenim vrijednostima ispitivanja. Mirecki i sur. (2015) objavili su rezultate istraživanja fizikalno-kemijskih svojstava Njeguškog sira, tradicionalnog ovčijeg sira iz Crne Gore, pri čemu su dobili rezultate sadržaja mliječne masti u ovčjem mlijeku od 4,92%, a suhe tvari bez masti 9,46%. Sirevi pripadaju punomasnim polutvrđim srevima, jer imaju sadržaj masti 29,97%, masti u suhoj tvari 51,73%, vode u nemasnoj tvari 60,07%, a sadržaja suhe tvari 57,93%. Ovo istraživanje je u korelaciji s našim istraživanjem. Rezultati istraživanja koje je proveo Drozdz (2001) u regiji Tatra na jugu Poljske, na tradicionalnom siru Oscypek, dimljenom opečenom tvrdom siru koji se proizvodi od sirovog ovčijeg mlijeka, sa sadržajem vode prosječno 27,50%, sadržajem masti od 22,50% i sadržajem mliječne masti u suhoj tvari prosječno od 31,30%, razlikuju se od rezultata našeg istraživanja za sir od ovčijeg mlijeka sa sadržajem vode od 39,79% i sadržajem masti od 48,90%, koji je znatno veći za ove parametre ispitivanja. Istraživanjem fizikalno-kemijskih svojstava punomasnog, polumasnog i posnog ovčijeg sira u Španiji (Sanchez-Marcias i sur., 2010), zaključeno je da se srevi općenito razlikuju zbog fizikalnih i kemijskih promjena koje se javljaju tokom zrenja, a na to prvenstveno utječe kemijski sastav mlijeka korištenog za proizvodnju sira. Nakon četrnaest dana zrenja utvrđeno je da punomasni sir sadrži 25% mliječne masti, polumasni sir 12,17% mliječne masti, a posni sir 4,43% mliječne masti. Udio vode nakon četrnaest dana kod punomasnog sira iznosio je 44,12%, polumasni sir sadržavao je 50,98% vode, a posni sir 55,15%. Prema rezultatima dobivenima u ovom istraživanju može se zaključiti da su vrijednosti fizikalno-kemijskog istraživanja sira približno iste.

## ZAKLJUČAK

Rezultati mikrobiološkog ispitivanja ukazuju na potrebu poboljšanja nivoa higijene procesa proizvodnje, s obzirom na utvrđeni broj *Escherichia coli* u siru, pri čemu se mora voditi posebna pažnja prilikom manipulacije mlijekom. Autohtoni hercegovački sir iz mjeha i svježi sir se proizvode najčešće iz toplinski neobrađenog mlijeka, te je neophodna primjena dobre higijenske prakse, posebno preventivnih postupaka, u svrhu smanjenja javnozdravstvenog rizika za široku populaciju stanovništva. Rizik od *Escherichia coli* se prvenstveno odražava na senzorne karakteristike sira, što može ugroziti sam tehnološki proces proizvodnje i uticati na fizikalno-kemijske parametre kvaliteta. Sa fizikalno-kemijskog aspekta, dobiveni analitički podaci mogu predstavljati doprinos utvrđivanju zahtjeva kvalitete i standardizacije proizvodnje autohtonih srevina u regiji Hercegovine. Ovo istraživanje ukazuje da je neophodno ujednačiti fizikalno-kemijske parametre u proizvodnji sira, kao i korištenje isključivo autohtone sirovine u proizvodnji kod

individualnih malih proizvođača i u mini siranama koje se bave ovom proizvodnjom, kao što je to slučaj s industrijskom proizvodnjom ovih proizvoda u tom području. Time bi i potrošači bili sigurni u proizvod koji kupuju, te bi se stekli uvjeti za registraciju oznake kvalitete geografskog podrijetla (sir iz mjeha) na nacionalnom nivou, a vremenom i na nivou EU.

Izjava o sukobu interesa: Autori izjavljuju da ne postoji sukob interesa.

## LITERATURA

- AOAC. (1996): 933.05 Official Method Fat in Cheese. Association of Official Agricultural Chemists, 33.7.17.
- Aoyama K., Takahashi C., Yamauchi Y., Sakai F., Igarashi F., Yanahira S., Konishi H. (2008): Examination of *Staphylococcus aureus* survival and growth during cheese-making process. *Shokuhin Eiseigaku Zasshi*, 49:116-123.
- ASH BiH (2013): Smjernice za mikrobiološke kriterije za hranu. Agencija za sigurnost hrane Bosne i Hercegovine.
- Bulajić S., Mijačević Z., Ledina T., Golić B. (2015): Safety evaluation of sjenica cheese with regard to coagulase-positive staphylococci and antibiotic resistance of lactic acid bacteria and staphylococci. *Acta Veterinaria, Beograd*, 65(4),518-537.
- Chow C. K. (2008): Fatty acids in food and their health implications, 3<sup>rd</sup> edition, CRC Press, 109-127.
- Colak H., Hampykian H., Bingol E. B., Ulusoy E. (2007): Prevalence of *L. monocytogenes* and *Salmonella spp.* in Tulum cheese. *Food Control*, 18:576-579.
- Delbes C., Alomar J., Chougui N., Martin J. F., Montel M. C. (2006): *Staphylococcus aureus* growth and enterotoxin production during the manufacture of uncooked, semihard cheese from cows raw milk. *Journal of Food Protection*, 69:2161-2167.
- Drozdz A. (2001): Quality of the Polish traditional mountain sheep cheese "oscypek". In Production systems and product quality in sheep and goats. Rubino R. (ed.), Morand-Fehr P. (ed.), Zaragoza CIHEAM, 111-114.
- EC. (2003). Opinion of the scientific committee on veterinary measures relating to public health on staphylococcal enterotoxins in milk products, particularly cheeses. European Commission, Health&Consumer Protection Directorate-General, 26-27.
- Ennahar S., Assobhel O., Hasselmann C. (1998): Inhibition of *Listeria monocytogenes* in a smear-surface soft cheese by *Lactobacillus plantarum* WHE 92, a pediocin AcH producer. *J Food Protect*, 61:186-191.

- Gantner V., Mijić P., Baban M., Škrtić Z., Turalija A. (2015): The overall and fat composition of milk of various species, *Mljekarstvo*, 65(4):223-231.
- Golić B., Mijačević Z., Bulajić S., Velebit B., Nedić D. (2015): Detection of coagulase-positive staphylococci in Vlasic cheese. *Veterinary Journal of Republic of Srpska*, 15(1):14-21.
- Golić B., Nedić D., Pećanac B., Dojčinović S., Stojiljković M., Nedić S. (2014): Quality of white sheep cheese from Stara planina. *Veterinary Journal of Republic of Srpska*, 14(2):224-233.
- Hrković A., Hodžić A., Sarić Z., Hamamđić M., Vegara M., Šaljić E., Juhas-Pašić E. (2011): Utjecaj kemijskog sastava ovčjeg mlijeka na kemijski sastav Livanjskog i Travničkog sira. *Mljekarstvo*, 61(2):175-181.
- ISBIH (2006): Određivanje sadržaja ukupne suhe tvari – sir i topljeni sirevi (referentna metoda). Institut za standardizaciju Bosne i Hercegovine, BAS EN ISO 5534.
- ISBIH (2018a): Mikrobiologija lanca hrane – Horizontalna metoda za detekciju i serotipizaciju *Salmonella* spp. – Dio 1: Detekcija. Institut za standardizaciju Bosne i Hercegovine, BAS EN ISO 6579-1.
- ISBIH (2018b): Mikrobiologija lanca hrane – Horizontalna metoda za detekciju i brojanje *Listeria monocytogenes*, Dio 1: Detekcija. Institut za standardizaciju Bosne i Hercegovine, BAS EN ISO 11290-1.
- ISBIH. (2005): Mikrobiologija hrane i hrane za životinje – Horizontalna metoda za brojanje koagulasa pozitivnih stafilokoka (*Staphylococcus aureus* i druge vrste) – Dio 1: Tehnika korištenja Baird-Parker agar medija. Institut za standardizaciju Bosne i Hercegovine, BAS EN ISO 6888-1.
- ISBIH. (2008): Mikrobiologija lanca hrane – Horizontalna metoda za za brojanje <math>\beta</math>-glukuronidaza pozitivne *Escherichia coli* - Dio 2: Tehnika brojanja kolonija na 44° C koristeći i 5-bromo-4-hloro-3-indolil<math>\beta</math>-D-glukuronid. Institut za standardizaciju Bosne i Hercegovine, BAS EN ISO 16649-2.
- Kiš M., Grbavac J., Mašek T., Starčević K., Džaja P., Zdolec N. (2018): Mikrobiološka kvaliteta i masnokiselinski sastav autohtonog sira iz mišine. *Hrvatski Veterinarski Vjesnik*, 26(7-8):58-63.
- Kousta M., Mataragas M., Skandamis P. N., Drosinos E. H. (2010): Prevalence and sources of cheese contamination with pathogens at farm and processing levels. *Food Control*, 21:805-815.
- Lodi R., Malaspina P., Brasca M. (1994): Lactic acid bacteria: a quality parameter for fresh cheese. *Industria del latte*, 30:3-16.

- Manfreda G., de Cesare A., Stella S., Cozzi M., Cantoni C. (2005): Occurrence and ribotypes of *Listeria monocytogenes* in Gorgonzola cheeses. *Int. J. Food Microbiol.*, 102:287-293.
- Meyrand A., Vernozy-Rozand C. (1999): Croissance et enterotoxinogénèse de *Staphylococcus aureus* dans différents fromages. *Revue Med. Vet.*, 150:601-616.
- Mirecki S., Popović N., Antunac N., Mikulec N., Plavljanić D. (2015): Production technology and some quality parameters of Njeguši cheese. *Mljarstvo*, 65(4):280-286.
- Nielsen S.S. (2010): Food Analysis, Part II: Compositional Analysis of Foods. 4<sup>th</sup> edition, Springer Science Business Media, LLC, 85-215.
- Propis, (2011): Pravilnik o proizvodima od mlijeka i starter kulturama. Službeni glasnik Bosne i Hercegovine, 21/11, 25/12, 17/19.
- Propis, (2013): Pravilnik o mikrobiološkim kriterijumima za hranu. Službeni glasnik Bosne i Hercegovine, 11/13, 79/16, 64/18.
- Rako A., Tudor Kalit M., Rako Z., Petrović D., Kalit S. (2019): Textural characteristics of Croatian cheese ripen in a lamb skin sack (Sir iz mišine). *Mljarstvo*, 69(1):21-29.
- Sanchez-Macias D., Fresno M., Moreno-Indias I., Castro N., Morales-de la Nuez A., Alvarez S., Argüello A. (2010): Physicochemical analysis of full-fat, reduced-fat and low fat artisan-style goat cheese. *Journal of Dairy Science*, 93:3950-3956.
- Slanovec T. (1982): Sirarstvo. ČZP Kmečki glas.
- Tudor Kalit M., Kalit S., Delaš I., Kelava N., Karolyi D., Kaić D., Vrdoljak M., Havranek J. (2014): Changes in the composition and sensory properties of Croatian cheese in a lamb skin sack (Sir iz mišine) during ripening. *International Journal of Dairy Technology*, 67:255-264.
- Tudor Kalit M., Kalit S., Havranek J. (2010): An overview of researches on cheeses ripening in animal skin. *Mljarstvo*, 60:149-155.
- Zarate V., Belda F., Perez C., Cardell E. (1997): Changes in the microbial flora of Tenerife goats milk cheese during ripening. *Int. Dairy J.*, 7:635-641.

Rad primljen: 03.06.2022.

Rad prihvaćen: 28.07.2022.